

浙江文叢

國權

〔第五冊〕

浙江出版聯合集團
浙江古籍出版社

浙江文叢

國權

〔第五冊〕

卷十一至卷十五

〔明〕談遷 著

出版聯合集團
古籍出版社

國權

起永樂八年


盡永樂十二年

庚寅永樂八年

正月戊辰朔辛未召鎮守寧夏寧陽侯陳懋從征

李茂芳嗣富陽侯駙馬都尉李讓子

丙子英國公張輔敗賊黨阮師檜於東潮州師檜僞稱
王據東潮州宜陽社衆二萬餘人至是兵圍宜陽社擊
斬四千五百餘級擒二千餘人皆斬之築爲京觀



己卯皇太子攝祀南郊

己丑秦府保安王尚煜薨謚懷僖

辛卯許四川棉布得販茂威疊溪特嚴出境之禁夜大
星出文昌西北行至近濁

壬辰濟寧至京師輸運之民免役一年

福建布政司照磨李斌尤溪典史鄭子成爲山東山西
道監察御史

癸巳皇太子遣都察院右副都御史虞謙戶科給事中
杜欽往淮揚鳳陽陳州視水災免其田租贖鬻子

甲午廣東按察副使紀正爲應天府尹

乙未諭從征將士

交趾總兵官英國公張輔等請留都督江浩都指揮俞讓花英師祐領兵聽沐晟調遣從之

談遷曰陳李擴鄧景異尚在濱州又安遽還英公則北征亟之也假得須臾少緩將攻其心交人不復反矣何天之藉手於北貽其憂於南也噫

昌樂訓導教諭李曩為禮科給事中臨邑教諭陳天民為戶科給事中監生許堪為山東道監察御史

丙申進士童寅甘霖監生蹇質周拱俱廣東道監察御史金文斌駱大良許琪俱河南道監察御史賈旭湖廣

道監察御史劉可范寧俱北京道監察御史鄭季輝山
西道監察御史蕭良浙江道監察御史張意汪泳劉政
俱四川道監察御史

丁酉偽大越上皇簡定偽輔國太保大安海鎮將軍福
成郡公陳希葛偽東都路安撫使阮汝勵偽鈞鈐將軍
管領麟翔軍阮宴等械至京伏誅

二月戊戌朔命皇長孫留守北京

勅黔國公沐晟仍征蠻將軍克總兵官雲陽伯陳旭副
之征交趾餘寇

辛丑詔曰漠北

屢使撫循輒見拘殺

恩既遠背德豈可懷朕仰稽天道則其運已絕俯驗人事則彼衆已離今親率六師用彰天討且朕必勝之道有五大擊小順取逆治攻亂逸伐勞悅弔怨鮮不殘滅肅清沙漠將疆場乂安可以解而高枕矣

勅行在戶部尚書夏原吉輔導皇長孫

諭曰朕以房元齡委卿矣

趙王高燧整理北京軍馬廣平侯袁容泰寧侯陳珪輔之

癸卯國子祭酒胡儼兼翰林侍講

甲辰應天府尹姚恕才誥降湖廣布政司右叅議廣德知州楊翰坐視當逮邑人頌其政宥之復官

乙巳設法因河兀應河古木山三衛女直野人

丙午哈烈國沙哈魯把都兒入貢元帖木兒駙馬子也
時與姪哈里措兵貢使還勅諭之

丁未上征胡發北京翰林學士胡廣侍講楊榮金幼孜
危行靖遠侯王友將中軍安遠伯柳升副之寧遠侯何
福武安侯鄭亨將左右哨寧陽侯陳懋廣恩伯劉才將
左右掖都督劉江等為遊擊將軍前驅都督薛祿冀節
等為驃騎將軍都指揮侯鏞陳智等為神機將軍都督
金玉等為鷹揚將軍都指揮李文等為輕車將軍分督
之不隸五軍凡五十萬衆出德勝門晚次清河

勅勞別失八里王馬哈麻初詔使往撒馬兒罕歷其境
甚恭謹

夜大星出右攝提東南行至近濁

戊申晚次沙河

己酉早寒午次龍虎臺遣祭居庸山

蔚州衛千戶周全脫自中奏 本末

庚戌度居庸關關僅容駕凡數處次永安甸大風陰晦
須臾大雪少頃霽日下五色雲見

皇太子除江西新城縣荒徂

辛亥風寒甚軍行且獵時諸山雪霽上曰到此看山又

一奇也次懷來

壬子次鎮安驛早發行數里道還有土垣如故城元時
官酒務也元幸上都於此取酒午次鷄鳴山唐太宗征
高麗登此山而鷄鳴上指示曰元順帝北遁此山忽崩
聲如雷

癸丑巡按直隸監察御史劉煥劾左通政趙居任治浙
直水無功皇太子封章示之

甲寅上登鷄鳴山甚峭上有斥堠下有故永寧寺址歐
陽玄碑存渾河流其下列石柱數十半出地上路窄行
二十里過坳兒山險如鷄鳴旣過漸平上立馬高岡指

示諸山曰此天所以限南北也午次泥河見病卒騎載至藥之

中軍左都督郭義私役軍士販芻豆皇太子宥其老

乙卯次宣府上閱武營內夜雨

己未發宣府晚至宣平顧侍講金幼孜等曰今惟守開平興和寧夏甘肅大寧遼東則邊境永謐矣許州知州潘文奎為左春坊左司直郎

辛酉發宣平次萬全大風微雪

壬戌發萬全行數里至城下上曰此城朕所築入德勝關冰滑馬啼上登野狐嶺指東南諸峰曰過此山盡下

矣營與和城北

癸亥遣祭所過山川上駐馬營前曰此陰山脊也若斬山湟壑而守之誰能越者

建德教諭項伯賢監生郭良周順俱為工科給事中東宮

甲子上閱武營外天晴大風忽天陰命亟回營雨雪復霽英國公張輔等至自交趾命提督宣府萬全興和等處操練受趙王節制勅清遠侯王友循野狐嶺至德勝關武安侯鄭亨往宣府萬全督餽運

乙丑大閱兵

三月丁卯朔戊辰設葛稱哥衛女直野人

夜大赤星出太微東垣行入右執法旁

辛未琉球中山王思紹入貢

涼州衛韃官千戶降胡虎保赤張孛羅台等永昌衛韃
官千戶亦令真巴等各叛恣掠皇太子命後軍都督僉
事費瓖討之刑部尚書劉觀贊其軍時訛言移降胡別
衛故叛都督同知吳允誠從北征脅其子管者謀於母
率所部擊捕三十人下之獄

壬申忻城伯趙彞守宣府

命湖廣浙江江西轉餉北京三百十萬石

癸酉發興和過鳳凰山山西南卽沙城次鳴鑾戍上指
示曰此大伯顏山其西北有小伯顏山東北卽開平也
汝等至此方知塞外風景讀書但紙上見耳適所過沙
城卽元中都最宜牧馬

甲戌瓦剌順寧王馬哈木貢馬

前北京刑部左侍郎喬穗謫交趾皇太子念之除行在
苑馬寺卿

上夜坐帳殿前望北斗召侍講楊榮金幼孜觀北辰正
直首上語至二十刻

乙亥上大閱列陣數十里旣畢賜將士酒食

賑潁川饑民

丙子發鳴鑾戍東北有山殊高上曰此大伯顏山過凌霄峯卽小伯顏山也駐營少水夜雪始可炊上登峯望漠北嘆曰元盛時此皆居民今萬里蕭條尚倔強何哉
丁丑皇太子許開四川南部內江縣井鹽
庚辰勅供具減半還興和

辛巳都指揮章安等為輕車將軍同尚書吳中轉運平胡城滁州知州陳璉課最耆民乞留以揚州知府視滁事

壬午上東發次五雲關野燒迫行營風發分二道繞營

而去

甲申次錦水磧報 跡命嚴備

乙酉發錦水磧行十餘里有古城上曰答魯城也朕常獵此午次環瓊圃自此皆沙陀漸見榆林烏鳶

茂名知縣董子莊為行在國子司業

夜大赤星出漸臺北行至近濁

丙戌次壓鹵州水鹹炊飯黃上晚示學士胡廣等曰此古交河今為哈刺火州水齧沙出碑曰唐交河郡

丁亥雲陽伯陳旭卒於軍旭金椒人以會州衛指揮同知從靖難封

戊子次金剛阜勅遊擊將軍都督劉江哨清水源據之
汝寧府照磨劉幹爲戶科給事中復柴復白威監察御
史

己丑蘇州妖婦鄒氏誣降邪神法當絞子梁阿柱力求
代死皇太子杖婦遣之

辛卯嗣教真人張宇初卒

上次小甘泉有海子水清鹹不可飲多水鳥地志云鴛
鴦澤

壬辰發小甘泉上曰女直有山其巔水白草木皆白亦
產白虎豹所爲長白山也此去遼東可千餘里晚次大